

# 藥王廟與十大名醫

李 濤

民國三十年二月

中華醫學雜誌第二十七卷  
第二期自第105面至第112面  
國立北平圖書館藏

not  
K826.2  
8

## 藥王廟與十大名醫

李 濤

(北平協和醫學院中文部)

唐天寶六年(公元747)勅建三皇五帝廟,於春秋致享,並定伏羲以勾芒配,神農以祝融配,黃帝以風后,力牧配(1)。然此時建三皇廟,亦無非崇祀古聖而已,與醫家無關。元「元貞元年(1295)初命郡縣通祀三皇,如宣聖釋奠禮。太皞伏羲氏以勾芒之神配,炎帝神農氏以祝融之神配,黃帝軒轅氏以風后力牧氏之神配。黃帝臣俞跗以下十人,姓名載於醫書者從祀兩廡,有司春秋二季行事,而以醫師主之」(2)。三皇廟從祀醫師當自此始。故吳澄(3)宜黃縣三皇廟記曰:「醫有學,學有廟,廟以祀三皇肇自皇元,前所未有也」。惜從祀之十人未明究為何人,但必為十大名醫傳說之由來,則無可疑。

續文獻通考(4)載:「武宗至大二年(1309)正月詔三皇配位,依文廟從祀禮。湖廣行省以祭享三皇,配位勾芒等神服色,坐次為請。禮部議三皇開天立極,澤流萬世,有國家者所當崇祀,自唐天寶以來,配伏羲以勾芒,配神農以祝融,配黃帝以風后力牧。按禮記月令春三月其帝太皞,其神勾芒;夏三月,其帝炎帝,其神祝融。又史記稱黃帝得風后力牧以治民。其配享坐次宜東西相向,以勾芒祝融居左,風后力牧居右。若其相貌冠服,年代遼遠,無從考證,不可妄定,當依古制以木為主。書勾芒氏之神,祝融以下並如之。所謂十大名醫依文廟從祀之例,置兩廡,如此尊卑先後之敘,似為不紊。集賢翰林太常禮儀院等官集議,依禮部所擬行之」。自元貞以來,雖郡縣通祀三皇,但僅醫官主之。至正十年(



1350)九月,以文殊訥之請,命祭三皇如孔子禮,遣中書省臣代祀。禮儀之隆,埒於宣聖,實一代創典也。

由上記述,可知元時三皇廟,有四配,有十大名醫。十大名醫之姓名雖不詳,但知皆為黃帝臣。此外似更兼祀歷代名醫,非僅十大名醫而已。

續文獻通考載:「王圻曰貞元間建三皇廟,在明照坊內,有三皇並歷代名醫像,東有神機堂,內置銅人鍼灸圖二十有四。凡五殿旁注爲溪谷所會,各爲小竅,以導其原委。其碑之題篆,則宋仁宗御書,元世祖至元間自汴移至此」。

明因元舊制(5),於洪武元年(1368)命以太牢祀三皇。二年(1369)命以勾芒、祝融、風后、力牧左右配。俞跗、桐君、僦貸季、少師、雷公、鬼臾區、伯高、歧伯、少俞、高陽十大名醫從祀,儀同釋奠。考寶錄是年止以勾芒四臣配,無十大名醫從祀之文。惟明集禮備載十醫,明史禮志採之,與寶錄異。蓋集禮所載乃初年未定之禮耳。四年(1372)帝以天下郡縣通祀三皇爲瀆,令天下郡縣勿得褻祀,止命有司祭於陵所。至永樂間(1403—24)別建三皇廟,十醫從祀,以醫官主之,以爲萬世醫藥之祖。由上可知十醫從祀三皇之制廢於洪武,復於永樂,此後遂與歷代帝王並祀不廢矣。

明世宗嘉靖十五年(1536)建聖濟殿於文華殿後,以祀先師,歲遣太醫院正官行禮(6)。二十一年(1542)十二月重修太醫院三皇廟,次年廟成,名其殿曰景惠,門曰咸濟。門東爲神庫,西爲神廚。仍釐正祀典,正位伏羲,神農,黃帝,以勾芒、祝融、風后、力牧配。其從祀僦貸季、天師、歧伯、伯高、鬼臾區、俞跗、少俞、少師、桐君、太乙、雷公、馬師、皇十人。與以前所定之十大名醫微異,去高陽而增馬師、皇,從此所謂十大名醫者卽成定案而不復變更矣。當時復增伊尹、扁鵲、淳于意、張機、華佗、王叔和、皇甫謐、葛洪、巢元方、孫思邈、韋

藏、王冰、錢乙、朱肱、劉完素、張元素、李杲、朱彥修十八人。東廡饒貸、季以下十四人，西廡華佗以下十四人。牲用太牢，器用籩豆簠簋，歲以仲春仲冬上甲日遣禮部堂上官行禮，太醫院堂上官二員分獻。明史禮志所載東廡從祀十三人者，乃遺漏少愈之故。

隆慶四年(1570)禮部侍郎王希烈建言，三皇既祀於歷代帝王廟，又祀於文華東室，乃又雜之以醫師，使共俎豆，不亦亵且褻乎！且官廟中止宜有祠，不宜有殿。「穆宗不欲改先帝之制，報罷」。萬曆十八年(1590)詹景鳳(7)修南京太醫院三皇廟，謂三皇之稱，於醫無取，更額曰聖醫廟，事詳於其所彙刻醫學集覽序。

從祀先醫之昭穆次序，各書所記微有不同。據乾隆十二年修定之大清會典(8)約如下：

黃帝		伏羲	神農	
融	祝		勾	芒
牧	力		風	后
區	臯		假	季
路	禽		岐	伯
森	少		伯	高
君	桐		少	師
皇	桐		雷	公
	馬			
鵠	扁		伊	尹
機	張		淳	意
和	叔		華	子
洪	王		皇	佗
遵	葛		甫	方
沐	孫		巢	元
肱	王		戴	慈
肱	朱		戴	乙
崇	張		錢	肱
修	元		劉	完
	張		李	素
	朱			杲
	彥			修
	修			修

太醫院明清皆在禮部後，於院後建有先醫廟，拳匪之亂，焚燬一空，竟劃歸使館界(9)。其後復建於地安門外，民國成立，乃就其地改設兩吉女子中學焉。

## 十大名醫簡史

記載十大名醫最早之文獻當推醫說(10)，然不及名醫傳略(11)之詳。茲擇錄二書所記如下：

儀貸季 神農時臣也，歧伯之師，神立方書，乃命儀貸季理色脈，而通神明，合之金木水火土四時八風六合，不離其常，變化相移，以觀其妙，以知其要，定經絡穴道臟腑陰陽度數，以人法天地萬物，醫之端肇於此。對察和劑摩踵告以利天下，而人得以繼其生(出路史)。

歧伯 黃帝臣也，善說草木之藥性味，為大醫，帝師之，故稱之曰天師。帝使歧伯嘗味草木，與主醫疾，經方本草素問之書成出焉(出帝王世紀)。

鬼臾區 鬼臾區諱積，號大鴻，黃帝大臣也，傳習太始天先册文，至鬼臾區十世，於茲不敢失墜。黃帝受河圖，見日月星辰之象，於是始有星官之書，命大撻探五行之情，占斗綱所建，於是始作甲子，命容成作蓋天，以象周天之形，綜六術以定氣運，因以問鬼臾區曰：「上下周紀其可數乎？」對曰：「天以六節，地以五制，周天氣者六期為備，終地紀者五歲為周，五六合者歲三十。七百二十氣為一紀，六十歲千四百四十氣為一周，太過不及，斯以見矣」。乃因五量治五氣，起消息察發斂，以作調曆，歲紀甲寅，日紀甲子，而時節定。是歲己酉朔旦日南至，而獲神策，得寶鼎冕侯，問於鬼臾區，對曰：「是謂得天之紀，終而復始」。乃迎日推策，造十六神曆，積邪分以置閏，配甲子而設節，於是時惠而辰從矣。素問稱：「帝與論五運陰陽之道，著之玉版，藏之金匱，署曰天元紀」。

少師 黃帝時臣，未詳其姓，靈樞經有答黃帝問難之語。帝與論陰陽表裏憂聲音，通天八風，究極理道(素問)。

伯高少俞 並黃帝時臣，未詳其姓，輔佐黃帝，詳論脈經，對問難經，究盡義理，以爲經論，故人到於今賴之（素問）。

俞跗 黃帝臣也，善醫術，所治病不以湯液醪醴鍼石躄引湯熨，撥見病之應，因五臟之輸，乃割皮解肌，訣脈結筋，弱髓，搥荒瓜幕，滌洗腸胃，漱滌五臟，鍊精設形，以去百病於無形（史記）。

桐君 黃帝時臣也，撰藥對四卷及採藥錄，說其花葉形色，論其君臣佐使相須，至今傳焉（本草經序論）。

雷公 號太乙，黃帝時臣也，善醫術。黃帝燕坐，召雷公而問之曰：「汝受術誦書者。若能覽觀雜學，別異比類，通合道理，務明之可以十全；若不能知，爲世所怨。」又曰：「子知醫之道乎！」雷公對曰：「誦而頗能解，解而未能別，別而未能明，明而未能彰，足以治羣僚，不足以治侯王。」雷公避席再拜曰：「臣年幼小，朦朧以惑不聞。臣受業傳之以教，請誦脈經上下篇，衆多矣。至於別異比類，猶未能以十全，又安足以明之！」帝因而授之，雷公醫道益著。於是雷公之倫，受業傳之而內經作矣（素問）。

馬師皇 黃帝時獸醫也，善知馬形氣生死，診治之輒愈。後有龍下向之，垂耳聾口。師皇曰：「此龍有病，我能已之也。」乃鍼其唇及口中，以甘草湯飲之而愈。又數數有龍出其陂，造而治之，一旦龍負皇而去，不知所之也（列仙傳）。

## 藥 王 廟

十大名醫之說起於元，盛於明清。但由政府規定之十人，僅限於黃帝臣。其中僦貸季、歧伯、鬼臾區、雷公、伯高、少俞、少師，見於素問靈樞；俞跗見於史記；桐君見於本草經義序；馬師皇見於列仙傳。其事均甚渺茫，無足稱道，甚至其人無亦爲疑問。當時所以規定此十人者，約按孔廟十哲爲孔氏門徒之例，故以黃帝臣

當之。

然此十人雖定爲名醫，實則皆非著名醫家，故民間在藥王廟所祀之十大名醫，往往隨意改變而無一定。如北京南藥王廟，據宸垣識略（12）載：「藥王廟在北安門海子之西，東瀕海子，萬柳沿堤，夏月客多載酒游詠其間，東有橋名西步糧橋，玉河水由此入御苑。廟爲魏忠賢建，其碑已跡」。其中豎有萬曆三年（1575）碑，正中刻三皇，下列十醫姓名，並皆附有名醫圖讚。其十人姓名爲：歧伯，雷公，扁鵲，太倉公，張仲景，華佗，王叔和，葛洪，孫思邈，韋慈藏。但同時廟中塑像則與碑上所記不同。正中爲藥祖，孫思邈，韋慈藏，兩旁爲歧伯，雷公。其十大名醫，則爲扁鵲，高綏，秦越人，靈公，淳于意，張仲景，華佗，王叔和，皇甫謐，葛洪。

其次東藥王廟爲萬曆四十四年（1616）所建，前殿正位祀普濟真君，孫思邈，韋慈藏，兩廡從祀十大名醫，則爲陶真白，封真人，張仲景，王叔和，劉河間，盧安常，醫綏，華佗，董君異，李東垣。其後殿正中祀三皇，兩廡祀黃帝，臣十人，與元明定制略相彷彿。

又次爲天壇北之藥王廟，俗稱小藥王廟，爲崇禎四年（1631）建。據宸垣識略載：「藥王廟在天壇北，明武靖侯李誠明立有恭順侯，吳惟英書碑。本朝康熙年間止存後樓，至三十二年重建，有碑詹事沈荃撰」。其中正位祀孫思邈，韋慈藏，從祀之十醫，則爲歧伯，雷公，葛洪，淳于意，扁鵲，王叔和，華佗，皇甫謐，張仲景，李東垣。

又據宸垣識略載：「北藥王廟在舊鼓樓大街北，明嘉靖中建，有本朝順治間洪承疇碑」，惜廟已傾圮，碑文略而不詳，其所祀十大名醫究爲何人，已無從調查矣。

據歷城縣志（13）載劉勅藥王廟記稱：「肖神農於上，以歧伯，韋藥王配之，而雷公，秦越人，長桑君，淳于意，張仲景，華佗，王叔和，皇甫安，葛洪，孫思邈列於兩廡」。是所祀十大名醫，又與北京各

廟異矣。

藥王不列於正祀之內，北京城內藥王廟共四處，所祀之藥王爲韋慈藏及孫思邈。按沈汾（14）續神仙傳稱「藥王姓韋名古道，號慈藏，西域天竺人，開元二十五年入京師，紗巾毳袍，杖履而行，腰繫葫蘆數十，廣施藥餌，療人多效。帝召入宮，圖其形，賜號藥王」。然新舊唐書中所記之韋慈藏無賜號藥王之事，可見藥王之說，始於續神仙傳，此書作者爲南唐沈汾，約在第十世紀末葉也。此種傳說至宋已甚盛，故醫說（著於1228）中記有藥王韋慈藏，桐陰舊話引列仙傳謂世俗稱韋善俊爲藥王。

藥王之說，宋時雖已盛行，然尙無爲藥王立廟者，即明清祀典中，亦獨缺藥王廟。藥王廟之起源，大約爲三皇廟之脫化而來。自元貞時（1295）通令郡縣祀三皇，至洪武四年（1372）令天下郡縣勿得褻祀，其間凡經七十餘年。此種崇祀直接與民生疾苦有關，相沿日久，雖革於禁令，亦難驟止。民間乃改祀藥王，故北京之南藥王廟中所立之萬曆三年碑，以三皇爲主，而韋慈藏、孫思邈僅列於名醫之列，是爲由三皇廟改藥王廟之明證。

更就各地所祀藥王之不統一性言之，如韋慈藏、孫思邈、韋善俊以外，安國縣（祁州）祀邳彤，俗號皮袒（15），任邱縣祀扁鵲（16），南方各地祀神農，更可知藥王爲民間私祀矣。

三皇廟不但改稱藥王廟，南方更有改稱爲醫王廟者，如蘇州三皇廟（17）祀伏羲、神農、黃帝。康熙二十八年並祀夏禹。康熙三十年知府盧騰龍請以歧伯、伯高、鬼臾區、少俞、少師、雷斅配，改名醫王廟。是又三皇廟改稱藥王廟之旁證也。

陰曆四月二十八日相沿爲藥王誕日，是日藥舖皆減價售賣，或施捨藥，以資紀念。河北之安國縣（祁州）則以此數日爲藥市集會之日。屆時各地藥商雲集，每年交易數千萬，成爲北方藥



商交易中心焉。

然此日究爲某藥王之誕辰乎？清居錄載八月朔爲天師節，祭黃帝，歧伯。叢桂偶記(17)稱日本以正月八日祭神農，是則非四月二十八日，非黃帝，歧伯，神農之誕辰矣。更據時憲書所載，正月二日爲孫真人誕辰，足見必非孫思邈誕辰。高士奇從西巡日錄謂藥王廟專祀扁鵲，四月二十八日賀藥王生日。然高氏所記僅從俗傳，亦不足爲據。是則此日爲扁鵲誕辰之說不攻自破。

## 結 論

1295年三皇廟始以名醫配享，至明嘉靖間建聖濟殿以祀先醫，始有稱先醫廟者。萬曆十八年南京三皇廟改稱爲聖醫廟。清一律改稱爲先醫廟。民間藥王廟約亦三皇廟改稱。

十大名醫之說亦始於十三世紀末年，初定爲黃帝，岐伯，鬼臾區，少師，伯高，少俞，俞跗，桐君，雷公，馬師皇，與張景賢說所記者相符。但民間所祀十大名醫，與此大異，且各廟不同。其中最常見之十人爲扁鵲，淳于意，張機，華佗，王叔和，葛洪，巢元方，孫思邈，錢乙，朱震亨。

## 參 考 文 獻

- |                   |                     |
|-------------------|---------------------|
| (1) 歐陽修：唐書        | (10) 張景賢：醫說         |
| (2) 宋濂：元史祭祀志五六    | (11) 吉田宗伯：歷代名醫傳略    |
| (3) 孫繼：春在堂全書四十六卷  | (12) 吳長元：宸垣識略       |
| (4) 續文獻通考卷八十五，軍廟考 | (13) 胡德琳：歷城縣志乾隆三十六年 |
| (5) 張廷玉：明史禮志四     | (14) 沈汾：續神仙傳        |
| (6) 會典鈔略禮下        | (15) 羅以桂：福州志        |
| (7) 丹波元簡：醫說       | (16) 劉統：任邱縣志        |
| (8) 尤綬：大清會典卷四十九   | (17) 原昌克：叢桂偶記祭神農    |
| (9) 陳宗蕃：燕都叢考      |                     |

1951年八月

期刊目录

